

Zum Haupt.

So dir dein haubt wehe thut / Nym Eppich der
an der erden bey den baumen ligt / seude yhn fast ynn
wasser vnd wasche dein haubt darmit.

Ein Anders.

Nym gestossen pfeffer vnd genialen senff / vñ halts
ym munde fast lang.

Ein Anders.

Nym Karoten safft / Hönig vnd saltz / temperiers
zusamen / vnd salb dein haubt damit.

Ein anders fur grossen schmerzen ym haubte.

Nym eins Geyers hirn / mischs mit öle vnd legs an
die naselöcher.

Ein Anders.

Nym Camillen blumen / legs yn laugen vnd wasch
den kopff darmit.

Ein Anders.

Nym Messelsamen vnd essig / stos es zusamen / vnd
mach daraus ein pflaster / vnd bind es an die stirn.

Ein Anders.

Nym Saluian / Weyrach / Pfeffer / Mirrhen vnd
müntz / seud es wol ynn essig / vnd salb damit das
haubt.

Ein Anders.

Mach ein krantz von poley / vnd setze yhn auff das
blose haubt.

Ein Anders.

Iss oft Coriander / vnd verheb die nasen / vnd lege
des nachtes ein Cubeben odder zwo vnter die zunge /
es hilfft.

Ein anders wem das heubt stets wehe thut.

Nym Essig / mische yhn mit Rosendle oder Deyel
öle / tuncck ein leyne tuch darein / vnd bind es vmb das
haubt / wenn es trucken wird / so netz es widder / vnd
bind es abermals vmb.

Für den Schwindel.

B

Nym